

Visoki predstavnik i Upravni odbor Vijeća za implementaciju mira pozivaju Vladu Alijanse i njene partnere da na odgovoran način pristupe izazovima vezanim za preuzimanje odgovornosti i odmah započnu sa rješavanjem pitanja vezanih za ek

Visoki predstavnik Wolfgang Petritsch i politički direktori Upravnog odbora Vijeća za implementaciju mira su jučer u Briselu održali konstruktivan sastanak sa delegacijom vlada države BiH i entiteta, koju je predvodio predsjedavajući Vijeća ministara Zlatko Lagumdžija.

Na sastanku je Evropska komisija predstavila proces stabilizacije i pridruživanja za jugoistočnu Evropu, sa konkretnim naglaskom na kriterije koje BiH treba ispuniti kako bi se postigao napredak u sklopu ovog procesa, te se omogućila integracija u strukture Evropske Unije.

Upravni odbor je pozdravio poziv Vijeća ministara na jačanje partnerskog odnosa sa međunarodnom zajednicom kao neophodan i pozitivan korak ka konačnom punom preuzimanju odgovornosti, za šta nije potrebna samo odgovorna vlada, već i potpuna,

trenutačna i profesionalna opredijeljenost za drastične, dugo očekivane i dugoročne institucionalne, pravne i ekonomske reforme, i implementaciju.

Obzirom na tešku ekonomsku situaciju u Bosni i Hercegovini, a posebno u Republici Srpskoj, koja će ponovno biti naglašena u izvještaju Svjetske Banke – Strategija pružanja pomoći državama. Upravni odbor je pozvao državne i entitetske vlade da konačno preduzmu konkretne i odlučne korake ka punoj implementaciji njihovih Programa vlade s posebnim naglaskom na osnaživanje stranih ulaganja i stvaranje novih radnih mjesta. U tom smisli, Upravni odbor je također naglasio važnost bezuslovne saradnje sa Međunarodnim Haškim Tribunalom.

Upravni odbor pozdravlja usvajanje Izbornog zakona te se nada njegovoj brznoj implementaciji.

Upravni odbor je još jednom naglasio neophodnost postojanja profesionalne državne službe u kojoj rade kvalifikovani ljudi, a koja će pružati vanstranačke, stručne usluge, te imati profesionalni kontinuitet koji je neophodan za uvođenje i provođenje ovih imperativnih mjera. Upravni odbor je pozvao Vijeće ministara da odmah uputi Parlamentu BiH Zakon o državnoj službi u tekstu koji je dogovoren između OHR-a i Vijeća ministara 24. jula 2001. godine. Također je naglašena potreba da se bez daljeg odlaganja implementiraju osnovni moduli projekta Sistema identifikacije i zaštite građana.